

Quotupli
modo
possit aliud
reponi in
prædicamento:

53. Ut porro noscas, quomodo possint omnes rationes positive collocari aliquo modo in categoriis, adverte duplarem considerari lineam seu seriem categoricam, alteram *rectam*, *transversam* alteram seu *lateralem*. Recta linea est series rationum essentialium cuiuslibet prædicamenti, a summo genere per genera et species subalternas descendens usque ad individua. Sic in prædicamento substantiae linea rectam afficiunt *substantia*, *corpus*, *vivens*, *animal*, *bomo*, *Petrus*; et rationes ad lineam rectam pertinentes *integrae* quodammodo et *completæ* sunt (1).

Linea transversalis vel lateralis constituitur ex differentiis oppositis, per quas genera superiora contrahuntur ac dividuntur in species. Itaque in prædicamento substantiae linea lateralē efficiunt differentiae *corporei* et *incorporei*, *animati* et *non animati*, *sensibilis* et *insensibilis*, *rationalis* et *irrationalis*.

directe,
indirecte et re-
ductive.

Hinc tripliciter aliud collocari potest in prædicamento; *directe*, *indirecte* et *reductive*. Directe ponuntur ea rationes, quæ per se et in linea recta pertinent ad prædicamentum nimirum individuum, quod est veluti basis prædicamenti, et ea quæ de ipso prædicantur in *quid*, nimirum species et genera, usque ad supremum. Indirecte ponuntur ea quæ pertinent ad lineam lateralem, et ponuntur in prædicamento ratione alterius, de cuius essentia sunt: nimirum differentiae specificæ, seu ea, quæ prædicantur de individuo in *quale quid*. Tandem reductive ponuntur partes physicae constituentes *individualium*, seu quæ ad eūs compleundam physicę substantiam concurrunt. Atque hoc modo materiam et formam, unionem substantialem, partes integrantes, et rationem positivam suppositi seu personæ, docent peripateticī, saltem plurimi, pertinere ad prædicamentum substantiae reductive (1). Sunt quædam inquit S. Bonaventura, quæ sunt in genere per se: aliqua per reductionem ad idem genus. Illa per se sunt in genere, quæ participant essentialiam completam illius generis, ut species

(1) Vid. apud. Suar. (disp. *Met.* 33, sect. 1, a n. 15), quomodo genus et species exhibent aliud metaphysicę completum, ut possint directe ponī in prædicamento.

(2) Vide P. Georgium Rhodes, *Philos. Peripat.*, lib. 4., disp. 4, quest. 3, sect. 1.; Joann. a. S. Thom., *Logica*, quest. 14, a. 1.

et individua. Illa vero per reductionem, quæ non dicunt completam essentialiam: et bac sub quinque membris continentur; quædam reducuntur sicut principia, et quædam sicut complementa, quædam sicut viæ, quædam sicut similitudines, quædam sicut privationes. Sicut principia dupliciter: aut essentiantia, aut integrantia; ut principia essentiantia, sicut sunt *materia* et *forma* in genere substantiae: ut principia integrantia, sicut partes substantiae sunt in genere substantiae per reductionem. Si reducuntur ut complementa, hoc potest esse dupliciter: Aut enim est complementum per modum actus; et sic est actus primus, qui reducitur ad idem genus cum substantia, cuius est actus; ut vivere et esse substantiae, ad genus substantiae; aut permodum aptitudinis, et sic differentiae completive, ad genus reducuntur cum specie. Si autem reducuntur sicut viæ, hoc potest esse dupliciter: Aut sicut via ad res, et si motus et mutationes, ut generatio, reducuntur ad substantiam, aut sicut via a rebus: et sic habent reduci potentias ad genus substantiae. Primum enim agendi potentia, quæ egressum dicitur habere ab ipsa substantia, ad idem genus reducitur quæ non adeo elongatur ab ipsa substantia, ut dicat aliam essentialiam completam. Si autem sunt similitudines, sic sunt in genere per reductionem, et reducuntur ad idem genus, sub quo continentur illa, quorum sunt similitudines: ut palea in similitudine albedinis et coloris, quæ quidem non est albedo, sed ut albedo: non est color, sed ut color. Postremo, quia privationes non habent essentialiam aliquam nisi per habitum, in eodem genere esse habent, in quo et habitus per reductionem (1). Sed fuius haec conseque nostrum non est.

Ad extremum, si quis querat quomodo prædicamenta et predicabilitas distinguantur inter se, responsio haec est. Prædicabilitas exprimunt modum seu habitudinem, secundum quam aliqua ratio prædicari potest de multis; prædicamenta vero exhibent ipsas rationes, quæ prædicari possunt, prout in seipsis et materialiter considerantur (2).

(1) S. Bonaventura 2.^o dist. 24, a. 2, q. 1 fin.

(2) Vide Conimbric. *Dialect. In Praefation. Porphyrii*, quest. 7, art. 1, solut. argum. primi. Cfr. Auctor opusculi de *Totius Logic.* Arist. *Summa*, tract. 1, cap. 1.

CAPUT IV.
DE TERMINORUM
PROPRIETATIBUS.

Sex præsertim recensentur: *Suppositio*, *Appellatio*, *Alienatio*, *Ampliatio*, *Restrictio*, *Diminutio*: de quibus ex ordine agendum.

ARTICULUS I.
De Suppositione.

*Suppositio
quid ex vocis
etymologia.*

54. Suppositio proprietas est termini potissimum oralis; idemque valet, si vocis étymon species, ac *substitutio*. Ideo enim voces usurpantur in propositione, saltē plerumque, ut rerum habeant locum; quia, cum res ipsas, quemadmodum observat Philosophus (1), in disputationem nequeamus adducere, mediis vocibus, de rebus per eas significatis disputamus. Sic cum dico: *Homo est animal*, non vocem *animal* de voce *homo* prædicto, sed rem de re. Substituunt ergo voces rebus in disputatione tamquam signa rerum suppositiva, ut jam supra notaveramus. Atque hic usus vocabulorum appellatur a Logicis *suppositio formalis*.

Sed nonnunquam etiam adhibentur voces non ad res ipsas significandas, verum ad aliquid de vocibus ipsis enuntiandum: ut si dicas: *Homo est vox dysyllaba*: ubi terminus *homo* non exercet munus signi ad quidquam significandum, homo namque non *significat*, sed est vox duarum syllabarum. Atque hujusmodi usus vocabuli in propositione appellatur *suppositio materialis*.

Definitio
suppositionis.

Itaque ut duplex hæc suppositio generali descriptione comprehendatur, definiri a multis solet suppositio cum Toloto (2): *usus termini pro se vel pro suo significato*. Possetque haud inepte definiri: *usus seu acceptio termini ad aliquid determinate enuntiandum*.

(1) Libr. 1 *Elenchor*, c. 1.

(2) *Introductio in Dialect.* lib. 2, cap. 1.

Differ
suppositio
ac significatio.

Ex hac definitione jam statim colliges: a) non idem esse suppositionem ac significationem. Accipi enim in primis seu supponi vox potest in propositione non ad significandam rem aliquam, sed ad aliquid de se ipsa enuntiandum, ut contingit in suppositione materiali. Præterea in ipsa suppositione formali, suppositio est determinatio et restrictio termini ad unam ex variis significationibus, quas potest habere.

b) Nulla est vox, que in propositione non habeat aliquam suppositionem. Ipsi enim termini non significantes et syncategorematici usurpantur ad aliquid enuntiandum perfectamque conficiendam propositionem. Ita recte dices: *Blictri* est vox quædam, *Ethan* est conjunctio (1).

c) Extra propositionem aut orationem nulli termino convenit suppositio. Neque enim extra orationem possunt aliquid vocabula determinate enuntiare, cum apparere satis non possit ex sola eorum prolatione, quem in finem usurpentur. In propositione autem ex subjecta materia manifestum fit, quid loquens sibi velit, notitiamne de rebus ingerere, an de vocibus ipsis aliquid definire.

d) Dividitur suppositio in *materialem* et *formalem*. Materialis est, ut diximus, usus termini pro se, nimurum usus termini non ad exprimendum id, quod ex hominum placito *significat* tamquam signum rerum et conceptuum, sed ad enuntiandum id quod est in seipso secundum suam physicam entitatem: ut si dicatur: *charta* est vox. Hujus tantum suppositionis sunt capaces termini non significativi. Suppositio formalis est usus vel acceptio termini pro aliquo significato: talem habent termini hujus propositionis: *Homo est albus*:

*Suppositio
materialis et
formalis*

(1) Ideo P. Petrus Hurtadus (*Summul.* disp. 2, sect. 1.) cum Fonseca (*Instit. Dialect.* lib. 8. c. 1.) acriter invehitur in antiquiores quosdam Summulistas, qui propositiones falsas de subjecto non verificabili vocarentur de *subjecto non supponente*, quasi subjectum ejusmodi nullam haberet suppositionem: neque enim absurdum ac false forent illæ propositiones, nisi subjectum aliquam suppositionem haberent. Ceterum propositiones de *subjecto non supponente* admittuntur communiter a Philosophis, si eas tali nomine intelligas, quorum subjectum subaudit aliquid absurdum, quod verifierari nullo modo potest: ut si quis diceret: *Equus rationalis eset utilissimus dominus vel Asina Balam pascitur in prato*. Quando autem aliqua hujusmodi propositionis in disputatione profertur, negari solet *suppositum*.

ubi nihil de vocibus ipsis emnuntiatur, sed de rebus per voces expressis (1).

Nullius porro negotii est suppositionem materialem a formali dignoscere ex materia subjecta et natura praedicati. Sunt autem nonnullae voces, in quibus utraque suppositio confundi potest, eae minimus que significat id ipsum quod sunt in se, ut vox terminus et his similes. Vox enim et est vox quedam et significat vocem, et similiter terminus.

Materialis duplex: naturalis atque artificialis.
Suppositio materialis subdividitur in *naturalem* et *artificialem*. Naturalis est usus termini pro se ipso, secundum id quod habet a natura, ut cum dico: *Homo est vox*: Artificialis est usus termini pro se ipso, secundum id quod habet ab arte hominumque institutione: talis est suppositio termini *homo* in hac propositione: *Homo est nomen tertiae declinationis*.

Formalis item duplex: propria et impropria.
56. Suppositio formalis dividitur in *propriam* et *impropriam* seu *metaphoricaam*. Propria est acceptio termini pro re quam proprie, et impropria, acceptio termini pro re quam improprie significat. Exemplum primi est in voce *leo* in hac: *Leo est belluarum fortissimus*; secundi in hac: *Vici Leo de tribu Iuda*.

Suppositio realis et logica:
Suppositio formalis subdividitur in *realem* et *logicam*. Suppositio realis est usus termini pro sua significatione reali seu ad emnuntiandum aliquid, quod rei significatae convenit secundum suam entitatem independenter a mentis consideratione; ut si dicas. *Nix est alba*. Vocari etiam posset haec suppositio primo *intentionalis* et *directa*. Suppositio logica, que appellari quoque posset secundo *intentionalis* (2), est usus termini pro

(1) Ideo dicebant antiqui terminum in suppositione materiali verificari de *termino*, verum non *pro termino*.—Ut porro rationem perspicias, cur haec suppositiones sic appellantur, recordari debes terminos esse in se sonos quosdam ac flatus, vocis, adhiberi autem tamquam signa ad aliud exprimentia. Spectari ergo possunt termini tamquam concretum quoddam, cuius subjectum vel materia est ipsa physica realitas termini, et forma significatio. Atque exinde fit, ut usus vocabuli ad emnuntiandum aliquid de ipsa *materia* termini, ut si loquar, appelletur *materialis*, *formalis* vero acceptio termini pro *forma* ejusdem.

(2) Suppositionem hanc vocat *Lossada* (*Dialect. vulgo Summulae* disp. 5, cap. 2, n. 5), aliqui *simplicem*; quamvis *simplex* suppositio altera a *Fonseca* (*Instit. dialect. lib. 8, cap. 24*); *Toledo*, *Introductio-*

sua significatione logica seu ad emnuntiandum aliquid, quod rei significatae convenit, prout substet secunda mentis intentioni, vel per denominationem ab aliqua mentis operatione; qualem habet vox *homo* in hac propositione: *Homo est species*. Itaque ad discernendam realem a logica suppositione, haec simplicissima regula est: si id quod de subjecto emnuntiatur, verificatur de eodem, precisione facta a modo, quo prius conceptum fuerit, suppositio realis est; si autem verificatur de subjecto, non prout est a parte rei, sed prout certo modo prius fuerit conceptum, suppositio logica est. Unde si quis dicat: *Homo est cognitus*, suppositio realis est, quia ratio cogniti, quando reapse cognoscitur, est praedicatum reale: scus vero si dicas: *Homo est terminus universalis*.

57. Suppositio realis dividitur in *absolutam* et *personalem*. Absoluta est acceptio termini, prout designat naturam rei secundum se consideratam, ut si dicatur: *Homo est risibilis* vel *animal nobilissimum*, haec enim praedicata convenient humanae naturae absolute et in se spectatae. Personalis est usus termini ad significandam naturam secundum esse, quod habet in suis individuis: qualis reperitur in his emnuntiationibus: *Petrus currit*; *Homo est albus*, *Homo vincit*. Nam haec praedicata non convenient naturae ratione sui, sed ratione individuorum. Praedicatorum ergo, que accipiuntur in suppositione absoluta et personali haec est differentia, quod prima convenient in individuis ratione naturae, non vero ratione individuationis: sic risibilitas praedicatur de Petro non quia *Petrus* est, sed quia *homo*; alia vera e contrario convenient naturae non ratione sui, sed ratione individuorum, ut si dicas: *Hic homo ridet*, risus actualis verificatur de hoc homine, non quia homo est, sed quia tale individuum est.

Suppositio personalis dividitur in *communem* et *discretam* seu *singularem*. Communis est usus termini communis seu universalis pro suo significato retinente suam communitatem: talem habet subjectum hujus propositionis: *Homo est rationalis*. Discreta vel singularis est acceptio termini ad exprimendum

absoluta et personalis:

communis et discreta seu singularis.

nis in Dialecticam lib. 2, cap. 1) et aliis definatur, nempe usus pro suo tantum immediato significato; quam definitionem rejicit *Lossada* loc. cit.

rem singularem et individuam, ut si dicas: *Petrus est doctus: Hic liber est meus* (1).

Communis quadruplices: distributiva, collectiva, disjunctiva et disjuncta.

58. Communis partitur in *distributivam seu copulativam, seu copulatam, disjunctivam et confusam seu disjunctam*. Distributiva est usus termini communis pro omnibus suis inferioribus seorsim sumptis. Sic usurpat terminus *planta*, cum dico: *Omnis planta est corpus vivens*. Dignoscitur hæc significatio ex syncategoremate *omnis*, *nullus*, *quicumque*, et aliis similibus. Subdividitur in *completam atque incompletam*. Completa seu *absoluta* locum habet, cum terminus communis accipitur pro omnibus suis inferioribus absque ulla exceptione: ut si dicas: *Omnis homo est animal rationale; Animal omne est sensitivum*. In completa seu etiam *exceptiva* e converso locum habet, cum terminus communis sic usurpat, ut aliquam patiatur exceptionem v. g. si dicitur: *Omnes homines peccaverunt in Adam; exceptio fieri debet de B. Virgine sine labo concepta* (2). Suppositio incompleta dicitur etiam esse suppositio pro generibus *singulorum*, et completa pro *singulis generum*.

Suppositio *collectiva* est usus termini communis pro suis inferioribus *collectum ac simul sumptis*. Hujus generis est subjectum in hoc exemplo: *Omnis Apostoli sunt duodecim*. Hanc distingues potissimum ex *subjecta materia*, ex natura numeri prædicati, quod solum sit verificabile de pluribus simul sumptis: solet etiam habere syncategorema *omnes* in plurali numero.

Suppositio disjunctiva.

Suppositio *disjunctiva*, quæ etiam *determinata et particularis* vocari solet, est usus termini communis pro aliquo ex suis inferioribus seorsim ab aliis, quod tamen ipso modo significandi non determinatur, ut si dixeris: *Aliquis homo est albus: Quidam homo currit*. In his enim propositionibus *albedo* et *cursus* verificari debet de aliquo individuo, quod in se certum ac determinatum est, licet illud voce non

(1) Vide Card. Toletum, *Introduct. in Dialect.* lib. 2, cap. 1.

(2) *Isto locutionis modo et Dominus unus et in Evangelio, ubi ait Phariseis: Decimatis mentham et rutam et omne olus. Neque enim Pharisæi et quacunque aliena, et omnium per omnes terras alienigenarum omnia olera decimabant.* S. August., *Enchirid.* c. 103.

determinetur, sed vagè tantum exprimatur. *Confusa* quæ appellatur etiam *disjuncta, vaga et indeterminata* est acceptio termini communis pro aliquo ex suis inferioribus disjunctum cum aliis, seu quod non solum in modo significandi, sed in seipso quoque indeterminatum est. Ita si dicas: *Aliqua navis requiritur ad navigandum*; non modo nulla *designatur* determinata in ratione ipsa loquendi, verum neque in re ipsa est aliqua navis in individuo certa et determinata, quæ ad navigandum requiratur, sed hæc vel illa disjunctum.

Suppositio disjunctiva.

Hinc vides quantum differant particulares hæc duæ suppositiones, disjunctiva nimurum et disjuncta: itemque quomodo se habeant respectu suppositionis singularis. Etenim singularis et rem in se certam ac determinatam exprimit, et modum quoque significandi certum ac determinatum importat. Disjunctiva vero rem in se certam ac determinatam, confuse atque indeterminate proponit: ac demum disjuncta et rem in se individuo minime determinatam importat, et modum ipsum rem significandi continet confusum et indeterminatum. Id quod patet exemplis adductis, aliisque similibus. Cum enim dicitur: *Aliquis homo currit, videt etc., cursus et visio sunt factum quoddam, cuius existentia affirmatur, ideoque verificari necessario debet in aliquo seorsim ab aliis: quidquid enim existit actu, determinatum in se ac certum sit, oportet. At vero cum dicitur: Aliquis oculus requiritur ad videndum aliquis equus ad equitandum non affirmatur factum aliquod existens, sed exigentia et necessitas, quæ verificari bene potest, sive in uno sive in altero indeterminante* (1).

Suppositio disjuncta cognoscenda est ex syncategoremate *aliquis* aut alio simili, et ex verbo significante *necessitatem, debitum, jus aut exigentiam*; suppositio vero disjunctiva ex eodem syncategoremate et verbo significante *existentiam, actionem aut passionem* (2).

Discrimen utriusque.

(1) Vide Mauri, *Summul.* c. 25.

(2) Sunt nonnulla syncategorematata media inter universalia et particularia, ut sunt *numeri omnes* et *voces neuter*, uterque: quamquam possint quandoque ex *subjecta materia* universalitatem praese ferre.

Regula ad
dignoscendam
suppositionem
predicati.

59. Ad dignoscendam autem suppositionem predicati, hæc certa et communis traditur regula: *Prädicatum in omni propositione affirmativa, quæcumque sit extensio subjecti, habet suppositionem particularem: e converso prædicatum in omni propositione negativa universalem obtinet suppositionem.*

ARTICULUS II.

De resolutione communis suppositionis.

Quid
resolutio
suppositionis:

60. Resolutio suppositionis communis est explicatio ejusdem assignando membra varia, quibus æquivalent. Unde fit, ut propositiones de subjecto communi per hanc suppositionis resolutionem locum præbere possint 'multis aliis propositionibus, quæ necessariæ ex ipsa colliguntur, utpote quæ prius in ea implicitæ ac virtualiter continebantur. Itaque ad enucleandam et penitus comprehendendam vim propositionis, utilissimum est, doctrinam de communis suppositionis resolutione callere.

quotuples
resolutio: per
ascensum,

Duplici modo resolvi potest suppositio: per *ascensum* et per *descensum*. Ascensus est progressus ab inferioribus sufficienter enumeratis ad terminum superiorum, illa sub sua extensione continentem, per legitimam consequiam. Et descendens est progressus a termino communi et superiori ad inferiora sub illius extensione contenta, per legitimam consequiam. Quadruplex est tum ascensus tum descensus, quadruplici suppositioni communi nuper expositæ correspondens.

Resolutio
distributiva per
descensum:

Propositio distributiva resolvitur per descensum, enumerando singula inferiora, et de illis seorsim enuntiando idem predicatum: id quod fieri potest vel per plures propositiones, aut per unam virtualiter multiplicem, cuius subjectum sint singularia, per copulativam conjunctionem colligata. Sic hanc propositionem: *Omnis homo est mendax*, ita resolves: *Hic homo est mendax, et ille mendax est, et ille alius est mendax etc.*, vel: *Hic, et ille, et ille alius etc. est mendax*. Hanc vero aliam: *Nullum animal est spiritus*, ita: *Hoc animal non est spiritus; illud animal non est spiritus etc.*, vel: *Nec hoc, nec illud etc. animal est spiritus*. Quod si velis resolvere suppositionem com-

munem prædicati, inverso modo procedes, conficiendo plures propositiones, quarum idem sit subjectum, et enuntiando de hoc inferiora prædicti communis. Secundum quam regulam, propositionem istam: *Homo non est lapis*; resolves hoc modo: *Homo non est bic lapis, non est ille lapis etc.* (1)

Quæ cum ita sint, propositiones omnes suppositionem habentes distributivam, falsæ erunt, si una sola de illis, in quas resolvenda foret, laboret falsitate.

61. Resolutio propositionis distributivæ per ascensum fit per ascensum. colligendo ex variis propositionibus, in quibus aliquid de singulis enuntiatur, aliam propositionem, in qua idem enuntiatur de subjecto communi, singula illa sub se complectente: v. g. ex eo quod *bic homo sit risibilis et ille homo sit risibilis etc.*, inferes *omnem hominem esse risibilem*. Tum porro maxime utimur ascensu «quando veritatem alicuius universalis propositionis probare et manifestare volumus: propterea oportet, ut omnia singularia, quoad fieri potest, enumememus (2). Descensu autem utimur ad universalis alicuius falsitatem ostendendam: propterea non semper oportet ad omnia singularia descendere sub universali distributo, cum falsitas ex unius singularis defectu, veritas autem ipsius universalis ex omnibus singularium positione proveniat» (3).

Propositio collectiva resolvi nequit nisi per unicam omnino propositionem, in qua enumerentur inferiora omnia communis termini, ac de illis, non seorsim sumptis sed simul copulatis enuntiatur prædicatum. Sic hæc propositio: *Omnis Apostoli sunt duodecim*; resolvi hoc modo debet: *Ergo Petrus et Andreas, Joannes et Jacobus etc. sunt duodecim*. Hanc vero aliam: *Europa, Asia, Africa, America et Oceania sunt quinque*; sic per ascensum resolvas: ergo *omnes partes mundi sunt quinque*.

62. Propositio *disjunctiva* resolvitur per descensum, enumerando inferiora omnia communis termini sub disjunctione,

Resolutio
collectiva.

Resolutio
disjunctiva.

(1) Simili modo possent explicari ac resolvi propositiones affectæ syncategorematæ universali sive temporis sive loci, *semper*, *nunquam*, *quotiescumque*, *ubique*, *ubilibet*, *ubivis*, *nuspiciam*, *nullibi*. Res est manifesta.

(2) De hoc fusius, ubi *Inductionem* explicabimus.

(3) Tolet. *Introduct. in Dialect.* lib. 2, cap. 4.

et de illis seorsim enuntiando idem prædicatum, si sermo sit de subjecti suppositione. Ita propositionem hanc: *Aliquis homo peccat*, explicabis sic: *Ergo vel hic homo peccat, vel ille homo peccat*, et ita porro, divagando per omnes omnino homines: si quis enim omitteretur, forte ille ipse foret, de quo verificatur propositi, ceteris non peccantibus. Si vero agitur de suppositione disjunctiva predicati, oportet de uno eodemque subjecto predicare singillatim inferiora termini communis disjunctive recensita. v. g. *Petrus est homo*, resolvetur: *Petrus est vel hic homo vel est ille homo etc.*

Exinde vero patet, quomodo facienda sit resolutio ejusdem suppositionis disjunctivæ per ascensum. Quamquam est hæc differentia inter modum ascensus ac descensus, quod in ascensi non oportet enumerare omnia inferiora, ut colligatur communis suppositio disjunctiva. Ad hoc enim, ut possum affirmare aliquem hominem esse album, sufficit ut in Petro deprehendam albedinem, nec oportet alia præterea examinare atque assumere individua.

Jam suppositio confusa seu disjuncta resolvitur per descensum enumerando inferiora omnia, et de his, non singillatim, sed disjunctum sumptis, enuntiando prædicatum. Hoc modo resolves hanc: *Aliqua penna requiriuntur ad scriendum, sic: Hec vel illa, vel alia etc.*, requiriatur ad scriendum. Et ratio est, quia de nulla penna verificatur in particuli ac definite, quod sit ad scriendum necessaria, sed de hac vel illa indeterminate et in confuso. Solumque potest hec suppositione verificari determinate in uno ex inferioribus in hypothesi, quod reliqua deficerent. Neque enim equus A requiriatur definite ad equitandum, nisi ceteris deficientibus.

Suppositio simplex seu *logica* non patitur ejusmodi resolutiones. Ideo vocatur *immobilitis*, i. e. incapax resolutionis ac descensus. Atque idem puta de suppositione singulari ac materiali (1).

Resolutio
suppositionis
disjuncte
vel confuse.

(1) Plura de his dabant Card. Tolet., loc. cit., et P. Joann. Ulloa (*Logic. Minor.*, disp. 2. c. 4), aliquique prisci Summuliste.

ARTICULUS III.

De reliquis proprietatibus termini.

§ I.—APPELLATIO.

63. *Appellatio* est applicatio significati unius termini ad significatum alterius: ut si dicam: *Homo bonus*, significatio termini *bonus* applicatur rei significatae per alium terminum *homo*. Terminus, cuius significatio alteri applicatur, dicitur *appellans*, alter vero *appellatus*.

Dividitur in *formalem ac materialem*. Formalis est applicatio significati unius termini ad formale significatum alterius. Materialis autem est applicatio significati unius termini ad materiale significatum alterius. Porro formale significatum est forma vel quasi forma rei significatae, quam terminus exprimit; e converso significatum materiale est subjectum talis formæ. Quare in hac propositione: *Album est coloratum*, appellatio est formalis, quia forma significata per terminum *album* est albedo, eademque est ratio denominationis *colorati*; at vero in hac alia propositione: *Album est dulce*, locum habet appellatio materialis, quia *dulce* prædicatur de termino concreto *album*, non ratione formæ albedinis, sed ratione subjecti seu materiae.

Sunt autem, qui appellationem, quam materiale diximus, non agnoscant, atque adeo carere prorsus appellatione arbitrantur terminos, qui formaliter non appellant. Verum lis hac in re non potest esse nisi de voce (1).

Regula plures passim prostant apud Logicos ad terminorum appellationem dignoscendam, inter quas sunt nonnullæ aut arbitrarie aut minus vere, quibus omissis præcipue sunt hæc.

Regula 1.^o Ad judicandum de appellatione attendendus est usus terminorum communis, circumstantie atque indoles rerum significatarum. Ut si dicatur: *Bonus latro Paradi-* sum *in cruce meruit*, planum est terminum *bonus* appellare terminum *latro* materialiter. Et similiter cum in Evangelio

Quid
Appellatio:

formalis
et materialis.

Regula ad
dignoscendam
appellationem:

(1) *Lossada, Summul. disp. 5, cap. 5, n. 3.*